



Concello de Oleiros

Facenda Municipal

INSTRUCCIÓNS PARA AS SOLICITUDES DE FRACCIONAMENTO E ADIAMENTO

Poderá fraccionarse ou adiarse o pagamento da débeda, tanto no período voluntario como executivo, coa petición dos suxeitos pasivos, cando a súa situación económico-financeira, discrecionalmente apreciada pola Administración municipal, impida transitoriamente, pagar os débitos.

Criterios e documentación:

1. Atendendo á súa situación económica **DEBERÁ ACHEGAR OBRIGATORIAMENTE:** (artigo 42.7 Ordenanza Fiscal Xeral)

Persoas físicas:

- Copia da autoliquidación do imposto da renda das persoas físicas (IRPF).
De non poder achegar a dita copia, por non estar obrigado á súa presentación, a acreditación da percepción de ingresos xustificarase mediante os certificados de retencións expedidos polos pagadores dos distintos rendementos obtidos: certificado do INEM, certificado da pensión ou coa copia das 2 últimas nóminas recibidas.
- Certificado da conta bancaria (IBAN) a nome do suxeito pasivo para a domiciliación.

Persoas xurídicas:

- Balance da situación e da conta de perdas e ganancias do último exercicio pechado.
- Orixinal ou copia, debidamente compulsada, do imposto sobre sociedades correspondente ao último exercicio económico pechado.
- Certificado da conta bancaria (IBAN) a nome do suxeito pasivo para a domiciliación.
- Representación: Cando se actúe en representación, esta acreditarase mediante a autorización expresa. No caso de persoas físicas, dispón dun modelo na web do Concello. Para persoas xurídicas ten que acompañarse da escritura do poder.

2. Prazos:

Agás nos casos debidamente xustificadas, non se concederán fraccionamentos ou adiamentos para débedas cuxo importe principal sexa inferior a 150,25 €.

Os criterios para fixar o prazo máximo para aboar a débeda fraccionada oscilará en función do importe principal da débeda, con base a este criterio, establécense uns prazos máximos dentro dos que deberá aboarse a totalidade da débeda:

<u>Importe principal da débeda</u>	<u>Nº prazos</u>
A partir de 150,25 € ata 600,00 €	ata 6 meses
De 600,01 € ata 1 .500,00 €	ata 9 meses
De 1 .500,01 € ata 3.000,00 €	ata 12 meses
De 3.000,01 € en diante	ata 18 meses

O importe das fraccións resultantes non poderan ser inferiores a 50,00 € (art. 42.8)

Para tributos de cobro periódico (recibos anuais por padrón fiscal) o prazo máximo non excederá de 12 meses.

O pagamento ou cargo en conta, no caso de domiciliacións dos fraccionamentos ou aprazamentos realizarase os días 5 ou 20 de cada mes, dependendo da data da súa concesión.

No caso de suxeitos pasivos que se atopen nunha situación económica precaria, circunstancia que será valorada e reflectida nun informe emitido polos Servizos Sociais do Concello, tanto o número de prazos como o importe das fraccións resultantes poderá modificarse.



Concello de Oleiros

Facenda Municipal

INSTRUCCIÓN PARA AS SOLICITUDES DE FRACCIONAMENTO E ADIAMENTO
--

3. **Garantías:** Rexiranse polo disposto no artigo 43 da Ordenanza Fiscal Xeral

Como regra xeral, o solicitante deberá ofrecer garantía en forma de **aval solidario** de entidade de crédito ou sociedade de garantía recíproca ou certificado de seguro de caución.e por tempo indefinido. En todo caso achegarase coa solicitude o correspondente compromiso expreso e irrevogable da entidade de formalizar o aval necesario no caso de concesión do fraccionamento ou do adiamento solicitado.

A garantía cubrirá o importe principal e os xuros de mora que xere o fraccionamento ou adiamento, máis un 25% da sumas de ambas partidas.

Tanto para o caso de aval como do compromiso, o Concello dispón dos modelos correspondentes.

Non se esixirá garantía cando o importe principal da débeda sexa inferior a 15.000,00 €. (art. 43.4)

4. Salvo circunstancias excepcionais apreciadas polo órgano de recadación, **denegarase as seguintes solicitudes:**(artigo 44.5 da Ordenanza Fiscal Xeral)

- a) As de reconsideración de fraccionamentos ou adiamentos resoltos segundo os presentes criterios e que non estean debidamente fundadas, tendo como única finalidade demorar o cumprimento da obriga tributaria.
- b) As presentadas por suxeitos pasivos que incumpran fraccionamentos ou adiamentos concedidos ou non formalizasen as garantías.
- c) As que correspondan a débedas illadas presentadas por suxeitos pasivos que manteñen outras débedas co Concello de Oleiros sen regularizar.
- d) Se se trata de empresas mercantís, cando a base imponible para os efectos do Imposto sobre sociedades do último exercicio económico sexa superior a 6.000 €